



Inatsisartut
Jens Napātōk, Naleraq
Inatsisartunut ilaasortaq

§ 37 naapertorlugu apeqqutip nr. 172/2025-p akineqarnera

Ulloq: 21-10-2025
Suliap nr: 2025 - 20593
All. nr: 25823296

Asasara Jens Napātōk

Inatsisartut suleriaasianni § 37, imm. 1 naapertorlugu Naalakkersuisunut
apeqquteqarputit. Apeqqutinut uannut akisassanngortitanut qujavunga. Ataani apeqqutit
uteqqinneqarlutillu akineqarput.

Postboks 1160
Oqa.: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

1. Naalakkersuisut Siulittaasuata, ulloq 27. august 2025, kikkut sinnerlugit sunalu tunngavilersuutigalugu utoqqatserpa?

Akissuteqaat:

Naalakkersuisut Siulittaasuata Naalakkersuisoqarfianit akissummik aallertoqarpoq:

"Naalakkersuisut Siulittaasuata ulloq 27. august 2025, Kalaallit Nunaata
peqqinnissaqarfimmut akisussaaffimmik tiguserata kingorna amanut arlalinnut
ajoqusiinerusinnaasunut aamma innarliinerusinnaasunut, Naalakkersuisut sinnerlugit
utoqqatserpoq"

2. Ukioq 1992 kingorna, Namminersornerullutik Oqartussaasimasut qanoq oqaasertaqartumik inuiaqatigiit kalaallit meeqqisarnerisa ikilisarnissaannut politikkeqarsimappat? Ikilisaanissamut politikkeqarsimanngippata, maanna Naalakkersuisut Siulittaasuata kikkut sinnerlugit utoqqatsersimanera nassuiaatigeqquneqarpoq.

Akissuteqaat:

Naalakkersuisut Siulittaasuata Naalakkersuisoqarfianit akissummik aallertoqarpoq:

"Apeqqut 1-imut akissuteqaat takuuk."

3. Ukioq 1992 kingorna, kikkut inatsisitigut meerartaartitsinaveersaarnernut tunngasut oqartussaaffigaat? Uani Danmarkip imaluunniit Kalaallit Nunaata oqartussaaffigineraat minnerpaamik akeqquneqarpoq.

Akissuteqaat:

Kalaallit Nunaanni pinaveersaartitsinermut aamma naartunaveersaartitsinermut inatsisitigut akisussaaffik Danmarkip Kalaallit Nunaatalu akornanni avinneqarpoq. Danmark inatsiseqarnermut akisussaasuvoq, kiisalu suliaasanut inatsimmi allassimasunut, danskit oqartussat tamakkiisumik imaluunniit ilaanik akisussaaffigisaanut, assersuutigalugu Naalagaaffiup Sinniisoqarfiata naartuersittarnermut ataatsimiititaliamut aamma nakkutilliinermik atuuffinnut peqataaneratigut. Kalaallit Nunaat pinaveersaartitsinermik aamma naartunaveersaartitsinermik suliaasaqarfiup isumagineqarnissaannut sulianut akisussaasuvoq, ass. peqqinnissaqarfik aqutigalugu peqqinnissakkut sullissinernik tunniussaqaarnikkut.

Naartunaveersaartitsineq inatsisitigut danskit inatsisaata 'svangerskabshygiejne'-p 1972-meersup ataaniippoq, inatsit taanna Kalaallit Nunaannut 1973-miilli atuutilerpoq.

4. Ukioq 1992 kingorna meerartaartitsinaveersarnermut tunngasunik misissuisoqarnikuua, taamaappallu qanoq imaqarpat?

Akissuteqaat:

Aap, 1992-ip kingorna pinaveersaartitsinermut aamma meerartaarnaveersaartitsinermut tunngasunik misissuisoqarnikuuvoq.

Nunatsinni Nakorsaaneqarfik marts 2024-mi allakkiamik 1992 sioqqullugu aamma kingorna spiralimut tunngasunik nassuiaasumik saqqummersitaqarpoq.

Nunatsinni Nakorsaaneqarfiup allakkiami eqikkaanermini, spiralit atorineqarnerinut sulianik 1991-ip kingorna ikinnerujussuarnik nalunaaruteqartartoq inerniliuppaa. Aammattaaq peqqinnissaqarfiup 1992-mi akisussaaffigilerneqarneranit niviarsiaqqat inuusuttuaqqat aamma arnat spiralilersinnissamik siunertaqartumik imaluunniit allanik pinngitsaaliissutaasumik naartunaveersaaserneqarnissamut aggersarneqartarnerannik nalunaarutiniq tigusaqartoqarsimanngilaq, taamatullu aamma 1992 sioqqullugu suliarpassuit nalunaarutigineqartunit.

Inussiarnersumik inuulluaqqusillunga

Anna Wangenheim